

澹盦閑贅

常州談瑤熙小蓮

神卜

有術者以下起家。晚年欲傳其子。子最黠。謂父曰。吾已能之矣。父懟曰。未學而曰能。小子何言之慎耶。子曰。卜者幾也。神而明之存乎其人。必待學而後能。抑未矣。父曰。爾果能乎。有來問卜者。爾其應之。蓋以難之也。至夜半。聞叩門聲急。父命子出應。子隔門而問之曰。客從東北方來乎。曰。然。問病來乎。曰。然。問子病乎。曰。然。問既確。乃曰。不須卜也。延醫速治。三日後再來。其人唯唯而去。父聞之。駭甚。欲責之。子曰。姑俟三日。不驗。願受責。屆期有賣花紅牛酒而至者。果曩夕問病者也。父大奇。問子何以知其東北方來。答曰。前夕東北風急。雨勢斜侵。吾于門隙窺見其人。以手拭背。是隨風而至。故知東北方也。何以知其問病。曰。時已夜深。倉皇而至。非病胡急急如是。何以知爲子病。曰。子病故夜來如父病。則

待晨而至矣。何以囑其三日來。曰暮夜問卜。其病必危。延醫治之。愈則三日不愈。亦不出三日耳。此模稜之言。術者訣也。父乃掀鬚大笑曰。通達事理。洞悉人情。吾不及也。吾不及也。自今始爾。其垂簾以問世子。遂以神卜名。

猪蛇

蛇之種類甚多。有甲乙二人。至處州山中。見小猪一羣。游行山麓。甚異之。謂荒山無居舍。安有蓄豚。因謀共取之。甲獲一頭。方以手捺其頸。忽回喙反噬。痛極狂呼而斃。肌膚皆黝爛。乙未之取。見甲狀。遂驚而奔。而猪亦盡竄於巖洞中矣。乙歸。詣邑宰請驗。宰至其地。詢之近山居人。曰。是名猪蛇。能毒人。乃覓老丐之善捕蛇者。使之治。丐曰。此蛇非徒手可捕。當用火攻。令村衆束薪燃火。以青竹竿挑之。投其洞。聞洞中有猪嗥之聲。有頃而寂。則蛇盡死矣。視竿首二三節皆作黑色。其毒可知。

二女

甲乙二巨室。皆隸滿洲旗籍。甲年六十無嗣。惟一女。愛如掌珠。常令作兒。輒粧束。以見賓客。乙家之女。亦易釵而弁者。兩人各相愛慕。幾不知烏之雌雄也。時共往來約爲兄弟。而陰各以終身爲託。及甲奉命出守江南某郡。挈眷之任。乙女依戀不忍別。啼鳥驚心。飛花攪夢。兩人心事。各不分明。而乙女相思尤苦。久之。寢食俱廢。父母叩其由。女歎曰。不能與某郎復相見耶。即返身向壁。淚潛潛而下。父母曰。兒癡矣。彼猶爾也。兒將若之。何。女始知情誤。然情障已深。牢染肺腑。泣言曰。吾二人者。重以情。非重以男女也。倘得一見。死無憾矣。由是病愈篤。父母乃馳書迎甲女。甲慮女遠涉。匿其書。甲女未之知也。乙女日夕凝盼。久而不至。謂之子負心。病益加劇。父母再走急足持書往。情詞迫切。甲女見書始知之。即日請于父母。涕泣就道。星夜北行。及抵乙家。乙女已蠶絲一息。兩人相覩。皆悲咽不能成語。乙女堅握甲女之手。良久放聲一哭。氣哽而絕。乙女既死。甲女誓不獨生。終日悲慟。勺飲鮮進。乙家悲再四。慰諭之。亟送之歸。歸後。

祀乙女。位于己室。一瓣心香。惟祝早日相從地下。以了夙緣。從茲月照幽閨。花開冷署。皆斷腸時也。年餘亦鬱鬱以死。

澹盦曰。夫人之情。不在男女也。執男女以言情。則登徒子之流耳。如兩人者。先而假後而真。始各疑爲男。繼各知爲女。終不以男女而易其情。斯爲至情。

一枝蘭

閩之漳州有劇盜。矯如猱。疾如隼。來風去電。莫測所由。亦莫知其姓字。凡被盜之家。牆上必有畫蘭一枝。遂名之曰一枝蘭。富家巨室。爭相戒備。防之愈甚。盜之愈速。閩閩之內。終歲無安枕。縣令某。初蒞任。控報一枝蘭之案。數十百起。懸賞嚴緝。久而勿得。乃繫羣捕于獄。三日一比。有老捕垂斃矣。呼其子與訣。其子由獄中出。涕痕滿頰。途遇一書生。叩以故。捕子告之。書生曰。願請問偕之至家。曰。盍酌我。乃爲具酒半酣。謂捕子曰。爾願得一枝蘭乎。捕子曰。一枝蘭盜之神者也。安能得之。書生曰。我卽一枝蘭也。捕子愕然。書生曰。如不信。請試之。捕子